

VENDIM
Nr. 204, datë 4.4.2025

**PËR DEKLARIMIN “PASURI KULTURORE TË PALUAJTSHME” TË ZONAVE
ARKEOLOGJIKE “A” DHE “B” TË QYTETIT TË KRUJËS, MIRATIMIN E
ZONIFIKIMIT DHE TË PLANIT PËR RUAJTJEN, MBROJTJEN DHE
ADMINISTRIMIN E TYRE**

Në mbështetje të nenit 100 të Kushtetutës, të shkronjave “a” dhe “ç”, të pikës 3, të nenit 9, të nënndarjes “iv”, të shkronjës “b”, të pikës 3, të nenit 53, dhe të pikës 3, të nenit 62, të ligjit nr. 27/2018, “Për trashëgiminë kulturore dhe muzetë”, të ndryshuar, me propozimin e ministrit të Ekonomisë, Kulturës dhe Inovacionit, Këshilli i Ministrave

VENDOSI:

1. Deklarimin “Pasuri kulturore të paluajtshme” të zonave arkeologjike “A” dhe “B” të qytetit të Krujës.
 2. Miratimin e zonifikimit të zonave arkeologjike “A” dhe “B” të qytetit të Krujës, sipas koordinatave dhe hartës së zonifikimit në Kornizën Referuese Gjeodezike Shqiptare (KRGJSH), që i bashkëlidhen këtij vendimi.
 3. Miratimin e planit për ruajtjen, mbrojtjen dhe administrimin e tyre, sipas tekstit që i bashkëlidhet këtij vendimi.
 4. Ngarkohet Agjencia Shtetërore e Kadastrës për regjistrimin e këtij vendimi, në përputhje me ligjin nr. 111/2018, “Për kadastrën”, dhe aktet nënligjore në fuqi.
 5. Ngarkohet Autoriteti Shtetëror për Informacionin Gjeohapësinor të publikojë hartat e zonave arkeologjike “A” dhe “B” të qytetit të Krujës në Gjeoportalin Kombëtar.
 6. Vendimi nr. 427, datë 20.6.2012, i Këshillit të Ministrave, “Për shpalljen e zonave arkeologjike “A” dhe “B” të qytetit të Krujës dhe miratimin e rregullores së administrimit”, shfuqizohet.
 7. Ngarkohen Ministria e Ekonomisë, Kulturës dhe Inovacionit dhe Bashkia Krujë për zbatimin e këtij vendimi.
- Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Belinda Balluku

PLANI
PËR RUAJTJEN, MBROJTJEN DHE ADMINISTRIMIN E ZONAVE ARKEOLOGJIKE
“A” DHE “B” TË QYTETIT TË KRUJËS

Neni 1
Qëllimi

Ky plan përcakton rregullat, procedurat, autoritetet shtetërore përgjegjëse, për ruajtjen, mbrojtjen dhe administrimin e zonave arkeologjike “A” dhe “B” të qytetit të Krujës, si dhe përcaktimin e kufijve të tyre, mbështetur në legjislacionin në fuqi për trashëgiminë kulturore.

Neni 2

Hapësira urbane arkeologjike në mbrojtje

1. Hapësira urbane me vlera arkeologjike, historike dhe kulturore e qytetit të Krujës, pjesë e trashëgimisë kulturore, përbëhet nga:

- a) zona arkeologjike “A”;
- b) zona arkeologjike “B”.

2. Kufijtë e zonave arkeologjike “A” dhe “B” paraqiten në hartat e zonifikimit të qytetit të Krujës, me koordinatat në sistemin referues gjeodezik zyrtar, KRGJSH, që është pjesë përbërëse e këtij vendimi.

3. Hartimi dhe miratimi i instrumenteve të planifikimit urban të qytetit të Krujës merr në konsideratë kufijtë e zonifikimit të zonave arkeologjike “A” dhe “B, të qytetit të Krujës, si dhe planin për ruajtjen, mbrojtjen dhe administrimin e tyre.

Neni 3

Ndërhyrjet e lejuara në zonën arkeologjike “A” të qytetit të Krujës

1. Në zonën arkeologjike “A” të qytetit të Krujës lejohet vetëm:

a) mirëmbajtja, restaurimi dhe konservimi i integruar i monumenteve të kulturës dhe strukturave arkeologjike, pas shqyrtimit dhe miratimit të projekteve nga Këshilli Kombëtar i Trashëgimisë Kulturore Materiale, në vijim “KKTKM”;

b) kryerja e formave të testimit, të tilla, si sondazhe, që nuk cenojnë shtresat arkeologjike, hulumtimet arkeologjike parandaluese dhe të shpëtimit, studimet gjeofizike, regjistrimin digjital të terrenit, të përcaktuara me vendim të KKTKM-së;

c) zbatimi i projekteve kërkimore-shkencore, të miratuara nga struktura përgjegjëse për miratimin e projekteve kërkimore-shkencore pranë Akademisë së Shkencave, pas shqyrtimit dhe miratimit nga KKTKM-ja;

ç) rikonstruksioni i rrugëve dhe të gjitha punimet në rrjetin inxhinierik mbi bazën e projekteve të miratuara nga KKTKM-ja;

d) rikonstruksioni/rindërtimi i godinave ekzistuese, pa ndryshim të gjurmës, volumi i përgjithshëm i të cilave nuk cenon pasuritë kulturore të nëntokës, mbi bazën e projekteve të miratuara nga KKTKM-ja;

dh) vendosja e konstruksioneve të lehta të përkohshme (dru, xham, plastikë, metal), me lartësi maksimale 1 (një) kat, në funksion të informimit publik, që lidhen me veprimtarinë arkeologjike, trashëgiminë kulturore, si dhe nevoja të tjera të rikualifikimit urban të zonës, si më poshtë vijon:

i. Konstruksionet duhet të jenë të lëvizshme (të çmontueshme) dhe në asnjë rast nuk duhet të dëmtojnë nëntokën dhe peizazhin;

ii. Projekti për vendosjen e konstruksioneve të lehta miratohet nga KKTKM-ja dhe, për çdo rast, duhet të përcaktojë saktësisht qëllimin, kohëzgjatjen dhe vendndodhjen e strukturës;

iii. Vendosja e tyre duhet të bëhet nën mbikëqyrjen e institucioneve shtetërore të specializuara.

2. Projekti për strukturat e përmendura në shkronjën “dh”, të këtij neni, miratohet nga KKTKM-ja dhe, për çdo rast, duhet të përcaktojë saktësisht qëllimin, kohëzgjatjen, vendndodhjen e strukturës brenda zonës, si dhe plan-projektin e saj. Projektet lidhur me ndërhyrjet e lejuara në zonën arkeologjike “A” të qytetit të Krujës, të parashikuara në shkronjat “ç”, “d” e “dh”, të pikës 1, të këtij neni, shqyrtohen dhe miratohen nga KKTKM-ja e më pas vijojnë procedurën sipas ligjit të planifikimit dhe zhvillimit të territorit.

Neni 4

Ndërhyrjet e lejuara në zonën arkeologjike “B” të qytetit të Krujës

1. Në zonën arkeologjike “B” të qytetit të Krujës, përveç ndërhyrjeve që lejohen në zonën arkeologjike “A”, lejohen edhe ndërtimet e reja, pas miratimit nga KKTKM-ja.
2. Projektet për ndërtimet e reja shqyrtohen e miratohen nga KKTKM-ja dhe vijnë në procedurën, sipas ligjit të planifikimit dhe zhvillimit të territorit.
3. Ndërtimet e reja lejohen vetëm pas kryerjes së formave të testimit, të përcaktuara nga KKTKM-ja, në varësi të potencialit arkeologjik, që përfaqëson zona.
4. Gërmimi arkeologjik kryhet sipas përcaktimeve të KKTKM-së, pas lidhjes së aktmarrëveshjeve përkatëse, ku, në çdo rast, njëra nga palët nënshkruese është Instituti Kombëtar i Trashëgimisë Kulturore (në vijim “ITKT”).

Neni 5

Procedurat që ndiqen për ndërhyrjet e lejuara në zonat arkeologjike “A” dhe “B” të qytetit të Krujës

1. Për ndërhyrjet e lejuara në zonat arkeologjike “A” dhe “B” të qytetit të Krujës, projektet shqyrtohen dhe miratohen në KKTKM, sipas procedurës së përcaktuar në nenin 80, të ligjit nr. 27/2018, “Për trashëgiminë kulturore dhe muzetë”, të ndryshuar, pas aplikimit nëpërmjet portalit unik qeveritar “e-Albania”.
2. Për çdo rast, KKTKM-ja shqyrton dhe vendos për kryerjen ose jo të formave të testimit. Testimet kryhen nga institucione shtetërore të specializuara dhe/ose subjekte të licencuara për veprimtari arkeologjike. Shpenzimet për kryerjen e formave të testimit mbulohen nga investitori.
3. Testimet e përcaktuara në shkronjën “b”, të pikës 1, të nenit 3, kryhen sipas përcaktimeve të KKTKM-së, pas lidhjes së aktmarrëveshjeve përkatëse, ku, në çdo rast, njëra nga palët nënshkruese është ITKT-ja.
4. Për ndërhyrjet e parashikuara në shkronjat “ç” dhe “d”, të pikës 1, të nenit 3, përpara zbatimit të tyre, me miratim të KKTKM-së, nga subjekte të licencuara për veprimtari arkeologjike ose institucionet e specializuara shtetërore realizohen:
 - a) format e testimit, sipas shkronjës “b”, të pikës 1, të nenit 3, të mbikëqyrura nga institucionet shtetërore të specializuara;
 - b) monitorimi arkeologjik gjatë zbatimit të punimeve nga subjekte të licencuara dhe/ose institucione shtetërore të specializuara.
5. Për të gjitha ndërhyrjet në zonat arkeologjike realizohet monitorim arkeologjik gjatë zbatimit të punimeve nga subjekte të licencuara për veprimtari arkeologjike dhe/ose institucione shtetërore të specializuara e mbikëqyrje arkeologjike nga institucionet e specializuara shtetërore.
6. Ndërtimet pa leje, të ndodhura brenda kufirit të zonave arkeologjike “A” dhe “B” trajtohen, në përputhje me ligjin nr. 20/2020, “Për përfundimin e proceseve kalimtare të pronësisë në Republikën e Shqipërisë”, dhe aktet nënligjore në zbatim të tij. Shprehja e autoriteteve të trashëgimisë kulturore është kusht për përfundimin e procedurave të legalizimit për të gjitha rastet e specifikuara shprehimisht në ligj.

Neni 6

Procedura që ndiqet në rast ndërhyrjesh të paautorizuara në zonat arkeologjike “A” dhe “B” të qytetit të Krujës

1. Në rast konstatimi ndërhyrjesh të paautorizuara brenda zonave arkeologjike “A” dhe “B”, Drejtoria Rajonale e Trashëgimisë Kulturore (në vijim “DRTK”), përgjegjëse për qytetin e Krujës, ka detyrimin të ndërpresë menjëherë veprimtarinë e subjektit, nëpërmjet aktit të konstatimit.

2. DRTK-ja, përgjegjëse për qytetin e Krujës, njofton menjëherë IKTK-në, institucionin kompetent për inspektim në fushën e trashëgimisë kulturore dhe/ose institucionin kompetent për inspektim të mbrojtjes së territorit të njësisë vendore, si dhe strukturën përkatëse në ministrinë përgjegjëse për trashëgiminë kulturore.

3. Në rast se subjekti nuk ndërpret veprimet menjëherë, DRTK-ja, përgjegjëse për qytetin e Krujës, i drejtohet menjëherë institucionit kompetent për inspektim në fushën e trashëgimisë kulturore dhe/ose institucionit kompetent për inspektim të mbrojtjes së territorit të njësisë vendore për marrjen e masave përkatëse, në zbatim të ligjit nr. 27/2018, “Për trashëgiminë kulturore dhe muzetë”, të ndryshuar.

Neni 7

Gjetjet rastësore arkeologjike

1. Klasifikohen si gjetje rastësore arkeologjike objektet e luajtshe dhe të paluajtshe në kontekstet e tyre arkeologjike dhe strukturat arkitektonike, sipas parashikimeve të ligjit nr. 27/2018, “Për trashëgiminë kulturore dhe muzetë”, të ndryshuar.

2. Në rast gjetjesh rastësore arkeologjike gjatë zbatimit të punimeve në zonat arkeologjike, punimet pezullohen menjëherë, sipas procedurës së përcaktuar në nenin 145, të ligjit nr. 27/2018, “Për trashëgiminë kulturore dhe muzetë”, të ndryshuar.

3. Në varësi të vlerave që përmbajnë gjetjet rastësore arkeologjike, KKTKM-ja shprehet për procedurën dhe hulumtimet arkeologjike, të nevojshme për ruajtjen e mbrojtjen e tyre.

4. Për çdo rast, veprimtaria arkeologjike realizohet sipas parashikimeve të neneve 139, 145, 146, 147, 260, të ligjit nr. 27/2018, “Për trashëgiminë kulturore dhe muzetë”, të ndryshuar.

Neni 8

Vendosja e tabelave prezantuese dhe paneleve shpjeguese

1. Në zonat arkeologjike “A” dhe “B” lejohet vendosja e tabelave prezantuese dhe paneleve shpjeguese për monumente të veçanta, rrënoja apo hapësira me potencial arkeologjik, pas shqyrtimit e miratimit nga KKTKM-ja.

2. Në asnjë rast, tabelat prezantuese dhe panelet shpjeguese nuk duhet të dëmtojnë apo të konkurrojnë pamjen, peizazhin dhe integritetin e monumentit, dëshmitë dhe gjetjet arkeologjike.

3. Vendosja e tabelave të sinjalistikës rrugore/turistike pranë monumenteve dhe zonave të mbrojtura rreth tyre, dëshmime dhe gjetjeve arkeologjike bëhet nën mbikëqyrjen e DRTK-së, përgjegjëse për qytetin e Krujës, pas njoftimit zyrtar nga Bashkia Krujë.


4. Është e ndaluar vendosja e posterave apo e mjeteve të tjera reklamuese, si dhe dëmtimet e tjera (vizatimi, shkrimi mbi strukturat e paluajtshe) të monumenteve dhe rrënojave arkeologjike.

Neni 9


Trajtimi i rasteve të paparashikuara

Për të gjitha çështjet që nuk trajtohen dhe për pasojë nuk zgjidhen në këtë plan, sipas kompetencave, ato zgjidhen nga ministria përgjegjëse për trashëgiminë kulturore, nëpërmjet institucioneve të specializuara.


ZONAT ARKEOLOGJIKE "A" DHE "B" TË QYTETIT TË KRUJËS




ZONAT ARKEOLOGJIKE "A" DHE "B" TË QYTETIT TË KRUJËS



ZONAT ARKEOLOGJIKE "A" DHE "B" TË QYTETIT TË KRUJËS



ZONAT ARKEOLOGJIKE "A" DHE "B" TË QYTETIT TË KRUIJËS



ANEKS NR. 1

KOORDINATAT E ZONËS ARKEOLOGJIKE "A" KRUIJË (KRGJSH 2010)

NR.	E	N
1	482677.995	4596830
2	482677.931	4596835
3	482678.19	4596845
4	482681.199	4596860
5	482690.399	4596879
6	482698.168	4596889
7	482703.663	4596896
8	482710.489	4596904
9	482710.971	4596909
10	482713.095	4596914
11	482720.461	4596919
12	482728.272	4596929
13	482734.48	4596940
14	482740.527	4596950

15	482742.581	4596958
16	482750.652	4596963
17	482762.002	4596965
18	482780.194	4596965
19	482787.95	4596969
20	482793.673	4596974
21	482794.449	4596971
22	482796.952	4596971
23	482801.26	4596973
24	482800.251	4596976
25	482812.242	4596984
26	482828.469	4596997
27	482842.971	4597008
28	482862.177	4597023
29	482871.977	4597032
30	482879.982	4597042
31	482889.147	4597046
32	482895.488	4597048
33	482899.634	4597047
34	482907.121	4597037
35	482906.611	4597020
36	482906.734	4597006
37	482904.525	4596998
38	482911.699	4596988
39	482921.207	4596972
40	482927.753	4596961
41	482937.102	4596944
42	482949.883	4596922
43	482940.779	4596910
44	482922.604	4596901
45	482899.385	4596877
46	482848.069	4596838
47	482841.57	4596825
48	482842.808	4596819
49	482830.684	4596810
50	482821.923	4596811
51	482812.728	4596805
52	482799.561	4596796
53	482783.888	4596786
54	482763.42	4596778
55	482735.228	4596768

56	482707.271	4596769
57	482669.138	4596791
58	482667.504	4596805
59	482673.996	4596815
60	482677.995	4596830

ANEKS NR. 2
KOORDINATAT E ZONËS ARKEOLOGJIKE “B” KRUJË (KRGJSH 2010)

NR.	E	N
1	482548	4596919
2	482557.6	4596962
3	482572.1	4596870
4	482579.5	4597001
5	482589.2	4596842
6	482595.7	4596834
7	482603.4	4597034
8	482626.2	4596794
9	482638.9	4596783
10	482646.9	4596770
11	482650.9	4596766
12	482658.8	4596749
13	482658.8	4596749
14	482671.5	4597078
15	482703.3	4597097
16	482731.7	4597128
17	482774	4597097
18	482776.3	4596737
19	482809.4	4597076
20	482832.9	4597088
21	482855.6	4597097
22	482864.9	4597108
23	482874.1	4597120
24	482883.6	4597128
25	482893.3	4596725
26	482895.7	4597130
27	482906.8	4597130
28	482917.5	4597125
29	482928.1	4596724
30	482928.9	4597122
31	482940.5	4597122

32	482952	4597121
33	482957.3	4597119
34	482958	4596724
35	482960.7	4597102
36	482961.6	4597115
37	482961.6	4597087
38	482968.1	4597072
39	482974.3	4597054
40	482979	4597043
41	482979.5	4596725
42	482988.5	4596738
43	482989.5	4596744
44	482991	4596748
45	482993	4597028
46	482995.5	4596753
47	483002.6	4596760
48	483023.2	4597006
49	483024.4	4596751
50	483027.4	4596965
51	483027.5	4597003
52	483030.1	4596938
53	483032.1	4596751
54	483033	4596919
55	483033.2	4596889
56	483034.3	4596910
57	483035.1	4596875
58	483036	4596862
59	483040.6	4596751
60	483047.8	4596841
61	483055.2	4596766
62	483058.8	4596823
63	483073	4596798
64	483073.5	4596786
65	483075.1	4596808